



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/16-01-05-23146-69/19
Sarajevo, 08.11.2019.godine

SKUPŠTINA KANTONA SARAJEVO
N/r Predsjedavajući Skupštine Elmedin Konaković
- **OVDJE** -

Predmet: Odgovor na zastupničko pitanje – dostavlja se
Veza vaš akt broj: 16-01-05-23146-69 od 31.07.2019. godine.

Zastupnik Zvonko Marić na Devetoj radnoj sjednici Skupštine Kantona Sarajevo održanoj dana 19.06.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 214. Poslovnika Skupštine Kantona Sarajevo, postavio je **zastupničko pitanje**, koje glasi:

"Molim Vladu Kantona Sarajevo da me izvijesti o provedenim aktivnostima na realizaciji projekata izgradnje spalionice animalnog otpada budući da ugovori pravnih lica sa KJKP Rad ističu 03.07.2019. i prema informacijama koje imam neće biti produžavani. Kada će spalionica biti izgrađena? Koji su planovi za animalni otpad u međuvremenu?"

ODGOVOR:

U vezi Vašeg postavljenog pitanja odgovorit ćemo prema zadnjim aktuelnim informacijama koje imamo. Prije svega bitno je istaći da Planom upravljanja otpadom Kantona Sarajevo za period 2015.-2020.godine, najmanje je obrađen segment zbrinjavanja animalnog otpada i uglavnom je zadržan na trenutnom postojećem načinu zbrinjavanja animalnog otpada, a to je zbrinjavanje u postojećim jamama grobnicama, koje se nalaze na deponiji "Smiljevići". Svaka planirana aktivnost u vezi animalnog otpada je referirana na glavne i sporedne nosioce aktivnosti realizacije između kojih je kao glavni nosilac u ovom segmentu, Ministarstvo prostornog uređenja, građenja i zaštite okoliša Kantona Sarajevo, zatim Ministarstvo privrede Kantona Sarajevo. Obzirom da je Ministarstvo komunalne privrede i infrastrukture Kantona Sarajevo na osnovu člana 3. Zakona o komunalnim djelatnostima («Službene novine Kantona Sarajevo» br. 14/16, 43/16, 10/17-ispr.,19/17,20/18 i 22/19) između ostalog, **nadležno i za obavljanje kafilerijskih usluga (član 4. stav (16) ovog Zakona** opisuju djelatnost kafilerijske usluge i to u smislu obavljanja poslova stalnog i sigurnog uklanjanja životinja,




web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



pasa lualica, lešina životinja, određenih nejestivih nusproizvoda klanja,...samo sa **javnih površina**, ali **ne u smislu njegovog trajnog zbrinjavanja**), ovo Ministarstvo kao nosioc aktivnosti realizacije Plana upravljanja otpadom Kantona Sarajevo, zaduženo je u segmentu animalnog otpada da izvrši nabavku vozila za obavljanje kafilerijskih usluga, čija je realizacija u toku. Opće je poznato da segment upravljanja životinjskim otpadom spada u veterinarsku zaštitu okoline, sve u cilju sprečavanja zagađivanja okoline, ova nadležnost pripada Ministarstvu privrede Kantona Sarajevo. Ministarstvo prostornog uređenja, građenja i zaštite okoliša Kantona Sarajevo je do sada izdavalo saglasnost KJKP "RAD" d.o.o. kako bi se nastavilo preuzimanje animalnog otpada od generatora sa područja Kantona Sarajevo. Međutim, Zaključkom Vlade Kantona Sarajevo, broj: 02-05-38954-26/19 od 31.10.2019. godine, na osnovu člana 4. stava (16) Zakona o komunalnim djelatnostima («Službene novine Kantona Sarajevo» br. 14/16, 43/16, 10/17-ispr.,19/17,20/18 i 22/19), zadužuje se Ministarstvo komunalne privrede i infrastrukture Kantona Sarajevo da prati realizaciju **trajnog zbrinjavanja animalnog otpada**, u periodu od 3 (tri) mjeseca. Ovim Zaključkom, Vlada Kantona je dala saglasnost KJKP "Rad" d.o.o. Sarajevo da preuzima animalni otpad od generatora sa područja Kantona Sarajevo. Također, istim Zaključkom je utvrđena obaveza finaliziranja svih započetih pregovora o konačnom rješavanju animalnog otpada u Kantonu Sarajevo.

S poštovanjem,



Dostavljeno:

- ① Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

